

Nim Hasengall/ gib sie einem in Wein zu trincken/ so ent-  
schlefft er bald/ vnd so du wilt/ daß er wider erwache/ so geuß im Ef-  
sig in den Mund.

Oder nim Milch von einer Sauen/ vnd lege sie auff den  
Schlaff.

Oder nim die Gall von einem Hal/ vermische sie in ein tranck/  
gibs einem zu trincken/ so schlafft er in die 36. Stunden/ gib ihme  
Rosenwasser zu erincken/ so wacht er wider auff.

### Daß einer dargegen nicht schlaffe.

So trage eine Fledermauß heimlich bey dir.

Oder fange Frösche ehe die Sonne auffgehet/ stich ihnen die  
Augen auß/ laß sie also blind wider ins Wasser springen. Diese  
Augen/ wenn man sie mit Fleisch von einer Nachtigallen in einer  
Hirschhaut anhenget/ so vertreibt es den Schlaff/ vnd macht wacke-  
re Leute.

Albertus Magnus schreibt de secretis lib. 2- Wenn einer  
weiße Gilgen samlet/ wenn die Sonne im Löwen ist/ vnd mit Saffe  
von Lorbern vermischt/ vnd darnach eine zeitlang in Mist legt/ so  
sollen Würme drauß werden/ von welchen/ so ein Pulver gemacht  
wird/ vnd umb eines Hals/ oder seine Kleyder gelegt/ so schlaffe er  
nimmer/ möge auch nicht schlaffen/ biß so lange ers wider von sich  
leget.

Heinr. Corn. Agrip. schreibt de occ. phil. lib. 1. cap. 16.  
Wer eines Raben/ oder Fledermauß Hertz ober sich tregt/ der wirdt  
nicht schlaffen biß so lange ers wider von sich legt.

Vnd weil auch etliche Leute im Schlaff wunderbarliche Sa-  
chen verrichten/ welches auch wol einem wachenden vnmöglich zu  
thun/ so habe ich nicht vnterlassen mögen/ zwo merckliche Historien/  
so Jacobus Horst der Arseney Doctor vnd Profecor zu Helm-  
stadt beschreibet mit diesen Worten:

I iij

Die